

210

ORDINIS IVRIDICI
IN
ACADEMIA VITEMBERGENSI
H. T. DECANVS
GODOFRIDVS
VD OVICVS
MENCKEN

ICtrvs
VENTISSIMO POLONIARVM REGI
LECTORI SAXONIAE A CONSILIIS AVLAE
STITIAE AC IN SVMMO PROVOCATIONVM
IO ANTECESSOR COLLEGIORVM IVRIDI-
M VITEMBERGENSIVM ET CONSISTORII
LESIASTICI ATQVE IVDICII PROVINCIALIS
IN INFERIORE LVSATIA
ASSESSOR

LECTORI BENEVOLO
S. D. P.

212

ORDINIS IVRIDICI
IN
ACADEMIA VITEMBERGENSI
H. T. DECANVS
GODOFRIDVS
VD OVICVS
MENCKEN

ICTVS
ENTISSIMO POLONIARVM REGI
LECTORI SAXONIAE A CONSILIIIS AVLAE
STITIAE AC IN SVMMO PROVOCATIONVM
O ANTECESSOR COLLEGIORVM IVRIDI-
4 VITEMBERGENSIUM ET CONSISTORII
LESIASTICI ATQVE IVDICII PROVINCIALIS
IN INFERIORE LVSATIA
ASSESSOR

LECTORI BENEVOLO
S. D. P.

212

ORDINIS IVRIDICI
IN
ACADEMIA VITEMBERGENSI
H. T. DECANVS
GODOFRIDVS
LVDOVICVS
MENCKEN

ICtvs

POTENTISSIMO POLONIARVM REGI
ET ELECTORI SAXONIAE A CONSILIIIS AVLAE
ET IVSTITIAE AC IN SVMMO PROVOCATIONVM
IVDICIO ANTECESSOR COLLEGIORVM IVRIDI-
CORVM VITEMBERGENSIUM ET CONSISTORII
ECCLESIASTICI ATQVE IVDICII PROVINCIALIS
IN INFERIORE LVSATIA
ASSESSOR

LECTORI BENEVOLO

S. D. P.

1907-1908

THE UNIVERSITY OF CHICAGO

1907-1908

1907-1908

1907-1908

1907-1908

1907-1908

1907-1908



Quod alteri per alterum iniqua inferri
 non debeat conditio, eleganter, nec
 absque causa, tradit PAPINIANVS
l. 74. de R. I. Plus enim iuris mul-
 toties homines in re illa, quam te-
 nent, sibi competere existimant, quam
 quod nititur ueritate. Qua opinione ducti, saepiuscule
 id appetunt et peragunt, uel omittunt, quod sibi con-
 ducere credunt, nulla habita ratione, utrum hoc no-
 ceat tertio, nec ne. Igitur caute certe et cogitate
 rem suam tractat ille, qui, ob ius sibi in re alterius com-
 petens, in tempore uigilat, et causam ad iudicem deservit,
 sicque damnum, quod metuit, prohibitione interpo-
 sita sua, auertit et declinat. Nec quicquam refert,
 commodum ipsius contradicentis ex re illa sit prae-
 sens siue futurum, modo eius, ne hoc, ex quo capere
 possit detrimentum, fiat, interfir. Illud Papiniani effa-
 tum non minorem habet usum in rebus feudalibus,
 quam in negotiis ciuilibus. Nam et in eo Domini di-
 recti pariter ac agnatorum uel simultanee inuestito-
 rum

rum commodum uersatur, ut Vassallus re, ipsi in feo-
dum concessa, bene utatur. Vti enim feudo potest,
sed ita, ut boni patrifamilias uestigia undique conspi-
ciantur. Testimonio sunt uerba legis, quae extant
2. F. f. ibi: „meliozem namque Vassallus conditionem
„feudi facere potest, deteriozem uero sine domini uo-
„luntate uel eorum agnatorum, ad quos per successio-
„nem pertinet, facere non potest. Quamuis enim
„possessio per beneficium ad eum pertinet, tamen pro-
„prias ad alium spectat.” Nec deficit legis illius ra-
tio. Feudum enim irreuocabiler ad Vassallum non
spectat, potius res est, quae restitutioni subiecta.
Certe igitur boni patrifamilias uiolat leges Vassallus,
qui feudo abutitur, aut de iure sibi, respectu illius,
competente, absque causa sufficiente et sine consensu
eorum, quorum interest quaeuis iura feudi illius,
nere illibata, quicquam remittit, uel aliqua eius parte
plane non, uel non secundum modum praescriptum,
quae paria sunt, l. 10. l. 18. Quemadm. seruit. amicis
fruitur. Ideo circumspecte utique agit ille, cui hoc,
quod Vassallus efficit uel efficere tentat, damnosum est,
si contradicit, et prohibitione interposita sua grauius
incommodum auertit, atque Vassallum, a nocendi pro-
posito, licito tamen declinat modo. De hoc in prae-
fenti, quam breuissime potero, agam, quibusdam pro-
babo exemplis pariter et argumentis. Equidem inficias
non eo, posse Vassallum, feudum uel eius partem infi-
gniter deteriozem reddentem, priuari feudo, saltem
eius parte deteriozem reddentem, priuari feudo, saltem
n. 5. Praeterea ipsum heredes domino, agnatis
uel simultanee inuestitis succedentibus, refusione da-
mnorum et praestatione interesse obstrictos teneri.
Dubius tamen non raro est litis egressus, cum minima
saepe

faepe circumstantia uariet iuris applicationem, et probatio damnorum multis immixta sit difficultatibus, ad quod denique accedit, quod damnum quandoque sit irreparabile. Satis igitur, credo, apparet, quod hac in re opus sit cautione, resque agatur Domini directi, penes quem rei immobilis beneficiatae proprietates remanet, *2. F. 23. in fin. iunct. 2. F. 8.* pariter et Agnatorum uel simultanee inuestitorum, qui commodum successionis sperant, ut potius intacta eorum conseruentur iura, quam post uulneratam causam remedium quaeratur. Operae pretium est, ut instituti usum uideamus. Exigit hoc ipsa necessitas, ne quis negotium me suscepisse inutile arbitretur. Sylua interdum alicui uel simpliciter, uel ut pars fundi beneficiarii in feudum conceditur. Caueat autem Vassallus, ne re illa abutatur, uel id efficere tentet. Nam qui ita se gerit, iustissimam aliis, quorum interest quasuis ab interitu conseruari feudi partes, conquerendi suppeditat causam. Sciat enim Vassallus, quod ius eius, percipiendi fructus ex feudo, sit ad leges boni Patrifamilias adstrictum, et quod rem in feudum datam meliorem quidem facere queat, deteriore non aequae, *2. F. 8.* Dominus illius tantum reuocabilis, et feudum in eadem bonitate, qua accepit, sit restituendum. Nec quicquam refert, si etiam aedificium forte uoluptarium fundo feudali imponere, et arboribus ad eius exstructionem uti intendat. Similiter huc pertinet casus, quando Vassallus aedes, quae minitantur ruinam, reficere intermitte. Promanat interdum in hominis uenas, et inhaeret in eius uisceribus, nec inueteratus euelli potest morbus ille, cui nomen est auaritia, qua nullum certe tetrius est uitium, quaeque fidem, probitatem, ceterasque artes bonas subuertit. Et Vassalli quandoque fer-

uet auaritia miseraque cupidine pectus, praesertim illi-
us, qui liberos ad succedendum in feudo habiles non
habet, ut animum tantum intendant in id, quo sibi et suis
consulat, parum autem, aut nihil, curet officium boni
patriisfamilias, et aedium, quae fundo feudali impositae
sunt, refectioem. Pariter peccat Vassallus, iisque, ad
quos feudum tandem pertinet iniquam infert con-
ditionem, qui arbores frugiferas fundo feudali co-
haerentes, caedit, uel illud intendit, et caedere in-
cipit. Quod IULIVS CLARVS, *receptarum sententia-
rum* L. IV. §. feudum. qu. 47. multis, quae addidit,
comprobauit argumentis. Et quod aliquando simul-
tanea inuestitus prohibendo sua iura commodaque fu-
tura conseruauerit salua et illibata, atque in causa ob-
tinuerit, memini. Nec obstaculo est, si arbores ipse uel
eius antecedentes a quibus feudum, quod possidet, ad
illum peruenit, posuerint, uel seruerint. Proprietas
enim rei immobilis beneficiariae penes dantem reman-
sit 2. F. 23. iunct. 2. F. 8. Et arbor fundo, ubi coaliuit, ce-
dit, eiusque pars esse censetur. l. 7. in fin. l. 26. §. 2. De Ac-
quir. rer. domin. l. 44. de Rei Vindic. His merito accenseo
casum, quando Vassallus partis feudi faciem mutat, at-
que illa non, ut fuit destinata ad usum, fruitur, aut frui
inchoat. Hoc enim facto Vassallus rem, quod leges ue-
tant, reddit deteriore, cum illa non, quo debet, uta-
tur modo. l. 4. §. 1. de Seruis. l. 10. et seqq. Quibus modis
usufr. uel us. amitt. l. 2. de Aqu. quosid. Interest igitur
domini directi et agnatorum uel simultanee inuestito-
rum, Vassallum nec aliter, ut ipsum decet, ex feudo per-
cipere fructus, praesertim, si ulteriore eius ad succeden-
dum prosapia deficiente, ultimus sit feudi possessor,
resque ipsa, mutatione facta, non, nisi multa tractatio-
ne et cura ad pristinum usum et statum reduci queat.

Huc

Huc refero prata foeno comparando destinata raſtro ſubigentem Vaſallum, agriculturam negligentem, et ágros ſteriles efficientem. Cautè ergo et cogitate rem tractant ſuam, ſi, re comperta, Vaſallum a factò ſibi damnoſo prohibent. Certe enim ipſi hoc magis conducit, quam actio illa ad intereſſe, quæ ſæpiuſcule multis et grauiffimis immixta eſt difficultatibus. Pariter ſentio de Vaſallo, qui dolo uel culpa ſua quicquam de iuribus feudi cohaerentibus, quæ interdum incertam recipiunt æſtimationem, remittit. Prodeſt enim magis iura conſeruare intacta, quam poſt uulneratam cauſam remedium quaerere. Tandem, ut ad Vaſallum in ſubditos feudales ſæuientem tranſeam, ſuper eſt. Hoc factum Vaſalli non legibus naturalibus ſolum, ſed et ciuilibus repugnat. Prohibebantur enim iure Romano Domini ſeruos atrociter tractare ſuos, et nimia barbaraque feritate in illos ſæuientes, ipſos dimittere cogebantur. *l. 1. §. ult. l. 2. de his qui ſui uel alieni iuris ſunt.* Certe igitur, credo, in eo omnium conſpirabunt iudicia, hoc multo minus licere Vaſallo. Plus enim iuris Domino competebat in ſeruos, quam quod habet Vaſallus in ſubditos feudales. Siquidem feudi totius proprietatis penes dominum directum remanſit. *2. F. 23. iunct. 2. F. 8.* Offendit quoque Vaſallus Dominum ipſum, cum graui iniuria afficit, et crudeliter tractat illos, qui ſuæ ſunt ſubiecti poteſtati. *2. F. 7. pr. in fin.* Et rei beneficiariæ, cuius partem conſtituunt ſubditi, conditionem redditu deteriore, quod fieri leges expreſſe uetant. *2. F. 8.* Igitur dubitationi locus non eſt, poſſe ſubditos feudales, quos grauiter premit Vaſallus, cauſam deferre ad Dominum, atque de eius queri feritate et iniuria. Poterit utique etiam Dominus ſponte ſua, non implorato eius officio, admonere Vaſallum, quem ſæ-

faciure in subditos feudales, suae potestati subiectos, animaduertit, ut ab illo desistat facinore, et, si dicto obediens non est, illum priuare feudo. Testimonio sunt uerba Iuris Clientelaris, 2 F. 27. §. 7. quae ita concepta sunt : „Quicumque Aduocatiam suam uel ali-
„quod aliud beneficium inornate tractauerit, et, a Do-
„mino suo admonitus, non resipuerit, et in sua perdu-
„rans insolentia, ordine iudiciario tam aduocatia, quam
„beneficio, exutus fuerit, si postmodum ausu temerario
„aduocatiam uel beneficium inuaserit, pro uiolatore
„habeatur,, : Certe etiam in eo quisque mecum con-
ueniet, non repellendum esse agnatum uel simultanee
inuestitum, qui hoc Vasalli in subditos feudales faciuen-
tis facinus ad dominum defert, eiusque officium, ut
his subueniat, implorat. Nam illorum quoque, qui
commodum successionis sperant, interest, ne Vasallus
feudo uel eius parte, ad se tandem pertinente, male, ut
patremfamilias non decet, utatur. Ad faeuirias autem
refero, quando Vasallus animalia uel agros subditis in-
iuria aufert, l. 3. C. de Erogat. milit. ann. l. 4. l. 6. C. ad L.
Iul. repetund. illos bonis, quae habent, spoliatur, et ad in-
opiam redigit, l. 4. de Agnosc. et alend. lib. l. 22. §. f. de
Oper. Libert. exactionibus illicitis et operis assidu inso-
litisque nimium grauat, et adeo onerat, ut ipsis, sese et
suos alendi, facultas nec tempus superfit, l. 23. §. 1. C. de
Agric. et Cens. et Colon. l. 1. C. in quib. caus. Colon. Cens.
domin. accus. poss. l. 22. §. fin. de Oper. libert. ac illud so-
lum intendit, quo gulam improbam et profundam ex-
pleat suam, et cum aliorum detrimento locupletior ex-
istat. Enim uero, num comminatio memorato in casu
priuationem feudi semper antecedere debeat, est in
ancipiti, et quaestio, quae omnibus ambiguitatibus
non uacat. Equidem inficias non eo, Vasallum nexum
fide-

fidelitatis feudisticae, qui inter illum et Dominum directum intercedit, compellere, ut Domini commodum promoueat, nullo autem interuertat modo, atque a subditorum feudalium abstineat offensione, 2.F.7. pr. nec certiorari debere illum, qui non ignorauit. l. i. in fin. de Action. Empt. Vend. c. 31. de R. I. 6. Ideo speciali non esse opus admonitione, potius posse Vassallum statim priuari feudo, quis forte coniciet. Verum enim uero non absque fundamento in eorum ab eo partes, qui illam affirmant. Ita autem ut iudicem, faciunt uerba, quae legimus 2. F. 27. §. 7. Haec, quia ad casum pertinent, repetenda puto: „Quicumque Aduocatiam suam uel aliquod beneficium inornate tractauerit, et, „a Domino suo admonitus, non resipuerit, et in sua perdurans insolentia ordine iudiciario tam aduocacia quam „beneficio exutus fuerit: „ ex his satis, credo, liquet, debere illo in casu comminationem semper praecedere feudi iacturam

Pluribus autem his inhaerere instituti ratio non permittit. Nam de Clarissimi Candidati nostri ortu, uita, moribus ac eruditione, quam sibi indefesso parauit labore, dicendum restat. Quod iure suo a me exigere uidetur. Quae eo pertinent, ab ipso conscripta, huc refero.

Ego IOANNES PAVLLVS SCHROETER, natus sum Dresdae, Anno partae salutis 1719. d. 24. Aprilis. Patrem ueneror D. PAVLLVM CHRISTIANVM SCHROETER, Dynastam Waldae, Potentissimo Poloniarum Regi

b

et

et Electori Saxoniae in Summo Prouocationum Iudicio et Consistorio Superiori a consiliis, cuius in me paternum affectum, summamque indulgentiam, quoad uixero, quauis pietate atque deuotione deosculabor. Matre uero usus sum
EUPHROSINA, *ex gente* **STRAVCHIANA** *oriunda, matrona omnibus sexus sui uirtutibus nobili, cuius praematurum obitum non satis lugere possum. Auus lineae paternae fuit* **D. IOANNES PAVLLVS SCHROETER**, *Potentissimo Polon. Regi et Electori Saxoniae a Consiliis Prouocationum, Assessor Collegii Ictorum Wittembergensium, eiusdemque ciuitatis Syndicus. Auia autem eiusdem lineae fuit* **ANNA MARIA, D. MICHAELIS WENDLERI**, *Theologiae Professoris Extraordinarii et Moralium Ordinarii in Academia Wittembergensi, filia. Proauus fuit* **PAVLLVS SCHROETER**, *Medicinae Licentiatus, Consul et Pbysicus ciuitatis Torgauiensis. Proauia autem* **ELISABETHA, M. CHRISTIANI MEISNERI**, *Archidiaconi Torgauiensis, filia. Abqaus mihi extitit* **MAVRITVS SCHROE-**

SCHROETER, *Medicinae Doctor, atque eiusdem Facultatis in Academia Lipsiensi Assessor, nec non Scholae Prouincialis, quae Grimmae est, Medicus; Abauia uero DOROTHEA nata STVMPFELDIA fuit. Atauus fuit WOLFF SCHROETER, Iurium Licentiatus, Comitum Mansfeldi Cancellarius, postea uero Halae in Consilium Aulicum Magdeburgicum, quod Halae erat, cooptatus. Atauia extitit DOROTHEA, nata STEINMETZIA. Tritauus erat IOANNES SCHROETER, Medicinae Doctor, ac per 30 annos Professor Academiae Ienensis, qui istius Academiae Priuilegia, diu expectata, ex Aula Caesarea attulit, et eapropter primus ibidem Rector creatus est. Factus est ab Imperatore Ferdinando I. Comes Palatinus, et ab eodem Anno 1557. nobilitate generis pro se et omnibus descendantibus suis donatus est, idque non modo ob praeclara in rem litterariam merita, sed etiam propter generis antiquitatem, siquidem pater eius, PETRVS SCHROETER, Consul Vinariensis, mater uero nata DIETZIA, Cancellario Saxonico famigeratissi-*

b 2

tissimo GREGORIO PONTANO propinqua cognatione fuit coniuncta. Tritauiam fuit VRSULA, nata GROSHEVPTIA.

Quod ad maiores meos lineae maternae attinet, Auus mihi extitit M. AEGIDIVS STRAVCH, Consistorii Assessor, et Pastor Primarius Ecclesiae Germanicae, quae Holmiae est. Auia uero fuit ELISABETHA, M. BEZELII, Consistorialis et Pastoris Primarii in ista urbe filia. Proauus erat M. SAMVEL STRAVCH, Pastor Ecclesiae St. Annae, quae Dresdae est, per 30 annos meritisissimus. Proauia uero fuit ANNA MAGDALENA, D. IOANNIS DAVTHENII, Consulis ciuitatis Magdeburgicae, et postea Consilarii Aulici Bremensis, et Vicecancellarii, filia. Abauus erat AEGIDIVS STRAVCH, S. S. Theologiae D. Electoris Saxoniae Consiliarius in Consistorio Superiori et Senatu Sanctiori, nec non per 40. annos Pastor atque Superintendens Dresdensis. Abauia uero fuit EVPHROSINA abneptis LVCAE CRANACHII, Consulis Ciuitatis Wittembergensis, et in arte pingendi

di celeberrimi. Et quid opus est, ut in enarrandis gentis STRAVCHIANAE decoribus longus sim. Constat enim inter omnes, ex ista familia uiros, de ecclesia et republica meritissimos, prodiisse, eiusque gloriam insigniter adhuc tuetur incomparabilis Witembergenstum ICTus, Illustris a LEYSER, cuius quidem immortalibus in rem publicam atque orbem literatum meritis, non dicam exornandis, sed saltem recensendis, nequaquam par sum. Redeo potius ad ea, quae de mea uiuendi ratione dicenda sunt. Non cessarunt Parentes mei indulgentissimi, me, quamprimum tenera aetas permisit, institutioni fidelissimorum uirorum credere, et inprimis Viri Plurimum Reuerendi, M. GRENTZII, Diaconi nunc Dresdensis meritissimi, adhibitam in me instituendo industriam, nulla obliterabit obliuio. Anno 1734. in Scholam Prouincialem, quae Misensae floret, studiorum, quae ad humanitatem pertinent, prosequendorum causa me contuli, et ibi in numerum extraneorum, uti uocantur, receptus, hospitioque Viri Summe Reuerendi D. WILCKII, Superintendentis Misnensis meritissimi,

tissimi, cuius in me humanitatem publicis
efferre laudibus debeo, usus, per nouem
menses fidelissima MARTII, SILLIGII,
GRABNERI, (in cuius conuictu fui, et cu-
ius ex priuatis praeceptis fructum insi-
gnem percepi) KAVDERBACHII, et
GLIMMII, institutione fruitus sum.
Optassem ut mihi diutius in isto studio-
rum ludo progressus facienda felicitas
contigisset. Sed aduersa uoletudine
pressus, Dresdam reuerti coactus sum, ubi
gravi morbo per biennium laboraui, do-
nec tandem Summi Numinis gratia, inde-
fessaque cura Virorum Illustrium atque
Experientissimorum, Nob. Dom. a HEV-
CHER, a Consiliis Aulae, et Archiatri
Potentissimi Pol. Regis et Electoris Sa-
xoniae, nec non D. TITTMANNI Reg.
Pol. et Elect. Saxoniae in rebus Metalli-
cis a Consiliis, et Medici Aulici, pristinae
sanitati restitutus sum. Hoc facto, de-
nuo ad litterarum Studia redii, et priua-
ta opera Virorum plurimum Reuerendo-
rum, M. HESSII Aedis Sacrae Orphano-
trophei, quod prope Dresdam est, Con-
cionatoris, et M. GEVDTNERI, qui nunc
Waldae curam animarum gerit, adiu-
tus,

tus, eo perueni, ut uenerando Parenti
meo e re esse uideretur, me ad altiora tra-
ctanda studia, in Academiam mittere.
Eo consilio Wittembergam discessi, ibi-
demque Ao. 1738. d. 16. Octobris, Rectore
Academiae Magnifico KIRCHMAIERO
Pot. Pol. Regis et Ele&. Sax. Consiliario
et Professore Publico, in numerum ciui-
um academicorum relatus, a Beato
KRAVSIO, Icto et Profess. Pandectarum
Publico, per matrimonium cum germa-
na parentis mei sorore propinquâ mihi
affinitate coniuncto, humanissime exce-
ptus sum, in cuius aedibus eo quoque mor-
tuo, quâdiu hic Wittembergae commo-
ror, lubens permansi, tantoque lubenti-
us, quanto maiori Gentis KRAVSIAE
beneuolentia usus sum. Ne uero illotis,
ut aiunt, manibus ad Themidis Sacra
accederem, per primum uitae meae Aca-
demicae Semestre ad Philosophiam ani-
mum appuli, ideoque M. HANITZSCHII
praelectiones philosophicas frequentavi,
et institutione M. BODENII, Professoris
Antiquitatum, usus, optimis litteris ope-
ram dedi. Deinde quoque Virum Illu-
strem, Nob. Dom. de BERGER, Consil.
Caes.

Caes. et Aulicum Reg. Pol. Professore
eloquentiae Publicum, Historiam Imperii
et Statuum, ducibus Puffendorffio et Ot-
tone, exponentem, audire mihi licuit.
Collegium etiam Morale et Politicum
Prof. Pöes. MARTII frequentavi, nec
non Prof. Phys. BOSII Collegio Physico-
experimentaliter interfui, lectiones quoque
anatomicas priuatas Viri Magnifici Ex-
perientissimique D. VATERI, quoties oc-
cassio tulit, uisitare haud neglexi. Nec cor-
poris omisi exercitia, cum, ut iis ualetu-
dini consulerem meae, tum etiam, ut cor-
pus magis magisque excolerem, illudque
ad incommoda, quae subinde ferre ne-
cessum habemus, melius sustinenda, prae-
pararem. Ex quo ad Iurisprudentiam
addiscendam me applicui, per quadri-
ennium Iuri Ciuili, Canonico, Feudali at-
que Publico, operam dedi, nec non dispu-
tatoriis, examinatoriisque, ut uocantur
collegiis interfui. Si unquam gloriari,
fas est, hac certe in re felicem me iure
optimo praedico, quod illos nactus sum
in cognoscendis iuribus duces, quorum
in docendo dexteritas omnibus est con-
spicua, et quorum eruditionem exteri
quo-

quoque suspiciunt. Apud Illustrem enim Virum A LEYSER non publice modo in Iure Ciuili Canonico et Publico proficere mihi licuit, sed etiam priuatim in referendis actis me exercui, atque ex illius examinibus, exercitiisque disputatoriis priuatis, fructus percepi amplissimos. Illustris BASTINELLERI praelectionibus Pandectarum, examinibusque priuatis magno cum studiorum meorum incremento interfui. Nec non Illustrem MENCKENIVM, Iurisprudentiam Romano Germ. forens. et Ius feudale exponentem, insigni cum utilitate mea, audiui. Illustri CRELLIO quoque multa me debere, publice profiteor. Huius enim ex praelectionibus, tam publicis, quam priuatis, Iuris Naturae, Institut. Pandect. Iuris Criminalis, et Practici, nec non Philosophicis institutionibus, ita semper profeci, ut ingratus forem, si quidem tacitus haec praeterirem. Non minus ex Illustris RIVINI explanationibus Historiae Iuris, Institutionum, modique causarum in iudiciis tractandarum, eximia commoda haurire mihi contigit, cuius etiam Collegiis exami-

minatoriis atque disputatoriis, magno cum fructu meo interfui, atque sub illius Praesidio Theses Iuris Controner-
si, ab ipso editas, a Thesi CCCXLI. usque ad Thes. CCCLIV. d. 18. Nou. 1741. publice in Auditorio Ictorum defendisse, singulari honori mihi duco. Insignem quoque proficiendi materiem praebuit Vir Consultissimus D. BROCKES, cuius quidem explicationes Institutionum, Pand. et Iuris Feudalis, nec non exercitia disputatoria, priuata frequentavi.

Neque denique silentio praetereunda mihi sunt, quae ex horum uirorum doctrina in me redundarunt emolumenta, quoties uel publice dissentientium subsellia occupare mihi contigit, uel priuatim illos, obseruantiae testandae causa, adii, ubi humanissime semper ab iis exceptus sum; Tanta sane in me collata sunt beneficia, ut debitas grates nunquam me redditurum, probe intelligam. Interim sancte testor, nunquam futurum, ut animo excidat tantae propensionis memoria.

Nunc

*Nunc absolutis studiis meis, Patronis,
quibus, quicquid in me est scientiae,
acceptum refero, publice diligentiae
Academicae rationes reddendas esse ar-
bitratus sum.*

Igitur cum Clarissimus Candidatus noster IOANNES
PAVLLVS SCHROETER, uita feliciter, be-
ne, et ex uoto peracta, nunc ad altiores in utroque
Iure adspiret honores, usque cupiat exornari, eius
desiderio eo libentius annuit Ordo Noster, quo cer-
tius per ea, quae sustinuit examina, insignem suam in
iure acquisitam peritiam cum humanitate modestiaque
coniunctam nobis comprobauit. Gratulor Illustri at-
que Excellentissimo eius Patri, ICto celeberrimo, de
republica, ecclesia, et re literaria, admodum meritis-
simo, Patrono nostro longe Grauiissimo, de filio ex
Academia nostra non sine industriae singularis laude,
imo nec sine praemio eruditionis, redeunte, omnem-
que expectationem uincente. Et cum res nunc in eo
sit, ut sub praesidio Illustris, Magnifici atque Excellen-
tissimi Viri, CHRISTOPHORI LVDOVICI
CRELLII, ICri celeberrimi, Potentissimi Regis Po-
loniae et Electoris Saxoniae Consiliarii Aulici, Pande-
ctarum Professoris Publici Ordinarii, Curiae Prouin-
cialis et Scabinatus itemque Ordinis Iuridici Assessoris
Grauissimi, pro licentia summos in utroque Iure ho-
nores consequendi Dissertationem, *de Venditione re-
rum cum fundo adhuc cohaerentium* ad L. XXXX. D.
De Att. Emt. Vendit. d. XVIII. Mensis Aprilis
publice rituque solenni defendat, ea ex causa, ut
Ma-

Magnificus Academiae Rector, Patres ac Proceres, reliquique Academiae Generosissimi ac Nobilissimi Cives, studiorum fautores, hunc actum festiui honorifica sua praesentia reddant illustriorem, omni, qua par est, animi obseruantia, meo et Ordinis nomine rogo atque contendo. Dab. Vitembergae d. XVIII. Aprilis
M DCC XXXXIII.

VITEMBERGAE,
LITTERIS SCHEFFLERIANIS.